


集部輯佚文獻彙編

翟金明 主編

國家圖書館出版社

59



集部輯佚文獻彙編

59



翁中 田餘融

并要作等神國游國

(南朝宋)鄭鮮之撰 (明)馮惟訥輯

鄭鮮之

明刻《詩紀·宋》本

第五十九册目錄

別集(五十九)

南朝宋(二)

鄭鮮之 (南朝宋) 鄭鮮之撰 (明) 馮惟訥輯	一
鄭鮮之 (南朝宋) 鄭鮮之撰 (清) 嚴可均輯	三
鄭鮮之 (南朝宋) 鄭鮮之撰 丁福保輯	二〇
顏測 (南朝宋) 顏測撰 (清) 嚴可均輯	二四
范泰 (南朝宋) 范泰撰 (明) 馮惟訥輯	二八
范泰 (南朝宋) 范泰撰 (清) 嚴可均輯	三一
范泰 (南朝宋) 范泰撰 丁福保輯	五一
荀昶 (南朝宋) 荀昶撰 (明) 馮惟訥輯	五四
荀昶 (南朝宋) 荀昶撰 丁福保輯	五七
王曇首 (南朝宋) 王曇首撰 (清) 嚴可均輯	六〇

謝惠連集一卷 (南朝宋)謝惠連撰	六三
謝惠連 (南朝宋)謝惠連撰	七〇
謝惠連 (南朝宋)謝惠連撰 (明)馮惟訥輯	七六
謝惠連集一卷 (南朝宋)謝惠連撰	九五
謝法曹集二卷附錄一卷 (南朝宋)謝惠連撰 (明)張燮輯	
序	一三七
目錄	一四三
卷一	一五一
卷二	一八三
附錄	二〇三
謝法曹詩二卷 (南朝宋)謝惠連撰	
卷一	二一一
卷二	二二五
謝法曹詩二卷 (南朝宋)謝惠連撰	
總目	二四五
卷一	二四七

卷二 二六一

謝惠連 (南朝宋) 謝惠連撰 (清) 嚴可均輯 二八一

謝法曹集二卷 (南朝宋) 謝惠連撰

本傳 二九三

目錄 二九五

卷一 二九九

卷二 三〇七

謝惠連 (南朝宋) 謝惠連撰 丁福保輯 三一六

謝元 (南朝宋) 謝元撰 (清) 嚴可均輯 三二六

張鏡 (南朝宋) 張鏡撰 (清) 嚴可均輯 三三〇

孫康 (南朝宋) 孫康撰 (清) 嚴可均輯 三三一

釋慧琳 (南朝宋) 釋慧琳撰 (清) 嚴可均輯 三三四

王弘 (南朝宋) 王弘撰 (清) 嚴可均輯 三四五

羊欣 (南朝宋) 羊欣撰 (清) 嚴可均輯 三五九

謝康樂集一卷 (南朝宋) 謝靈運撰 三六一

謝靈運 (南朝宋) 謝靈運撰 三九五

謝靈運 (南朝宋) 謝靈運撰 (明) 馮惟訥輯	四二五
謝康樂集八卷附錄一卷 (卷一—三) (南朝宋) 謝靈運撰 (明) 張燮輯	
叙	四九七
目錄	五〇三
卷一	五二五
卷二	五六七
卷三	五九三

鄭鮮之

字道子開封人初仕晉為輔國主簿宋武帝踐祚遷太常都官尚書元嘉三年

為尚書
右僕射

行經張子房廟

七雄裂周紐道盡鼎亦淪長風晦崑溟潛龍動泗

濱紫煙翼丹虬靈媼悲素鱗

關

全宋文卷二十五

烏程嚴可均校輯

鄭鮮之

鮮之字道子滎陽開封人隆安末爲桓偉輔國主簿隨府轉安西功曹入爲員外散騎侍郎司徒左西屬大司馬琅邪王錄事參軍遷御史中丞轉司徒左長史太尉咨議參軍進侍中復爲太尉咨議補右長史宋國建轉奉常及受禪遷太常都官尙書出爲丹陽尹復入爲都官尙書加散騎常侍封龍陽縣子出爲豫章太守元嘉三年進尙書右僕射明年卒贈金紫光祿大夫有集二十卷

諫北討表

伏思聖略深遠臣之愚管無所措其意然臣愚見竊有所懷虜凶狡情狀可見自關中再敗皆是帥師違律非是內有事故致外有

敗傷虜聞殿下親御六軍必謂見伐當重兵潼關其勢然也若陵
威長驅臣實見其未易若輿駕頓洛則不足上勞聖躬如此則進
退之機宜在孰慮賊不敢乘勝過陝遠隔大威故也今盡用兵之
算事從屈申遣師撲討而南夏清晏賊方懼將來永不敢動若輿
駕造洛而反凶醜更生揣量之心必啟邊戎之患此既必然江南
顛顛傾注輿駕忽聞遠伐不測師之深淺必已殿下大申威靈未
還人情恐懼事又可推往年西征劉鍾危殆前年劫盜破廣州人
士都盡三吳心腹之內諸縣屢敗皆由勞役所致又聞處處大水
加遠師民敝敗散自然之理殿下在彭城劫盜破諸縣事非偶爾
皆是無賴凶慝凡順而撫之則百姓思安違其所願必爲亂矣古
人所已救其煩穢正在於斯漢高身困平城呂后受匈奴之辱魏
武軍敗赤壁宣武喪師枋頭神武之功一無所損況偏師失律無
虧於廟堂之上者邪卽之事實非敗之謂惟齡后等可念耳若行

也或速其禍反覆思惟愚謂不煩殿下親征小劫西虜或爲河洛之患今正宜通好北虜則河南安河南安則濟泗靜伏願聖鑑察臣愚懷

宋書鄭鮮之傳宋國初建轉奉常佛佛虜陷關中高祖復欲北討行意甚盛鮮之士表諫

請立學表

至於洙泗之教洋洋盈耳所已柔漸性情日用成器國廢胄子之敎家施勸學之訓宜振起頽業已迴視聽接光太陽燭之幽夜令欣流者濟津懷寶者剖和

藝文類聚三十八

舉謝綸自代

蓋聞知賢弗推臧文所已竊位宣子能讓晉國已之獲寧鮮之猥承人乏謬蒙過眷旣恩已義隆遂再叨非服知進之難屢已上請然自退之志未獲暫申夙夜懷冰敢忘其懼伏見行參軍謝綸清悟審正理懷通美居已端石雖未足舒其采章升庸已漸差可已位擬人請免愚短甘充下列投爲賢牧實副羣望

宋書鄭鮮之傳桓偉進號安西

轉補功曹舉陳
郡謝綯自代

滕羨仕宦議

名教大極忠孝而已至乎變通抑引每事輒殊本而尋之皆是求
心而遺跡跡之所乘遭遇或異故聖人或就跡曰助教或因跡曰
成罪屈申與奪難可等齊舉其阡陌皆可略言矣天可逃乎而伊
尹廢君君可脅乎而鬻權見善忠可愚乎而箕子同仁自此曰還
殊實而齊聲異譽而等美者不可勝言而欲令百代之下聖典所
闕正斯事於一朝豈可易哉然立言明理曰古證今當使理厭人
情如滕羨情事者或終身隱處不關人事或昇朝理務無譏前哲
通滕者則曰無譏爲證塞滕者則曰隱處爲美折其兩中則異同
之情可見矣然無譏前哲者厭情之謂也若王陵之母見烹於楚
陵不退身窮居終爲社稷之臣非爲榮也鮑勛蹇諤魏朝亡身爲
效觀其志非貪爵也凡此二賢非滕之論夫聖人立教猶云有禮

大五百二十九
小六十七

無時君子不行有禮無時政已事有變通不可守一故耳若滕曰
此二賢爲證則恐人人自賢矣若不可人人自賢何可獨許其證
譏者兼在於人不但獨證其事漢魏已來記闕其典尋而得者無
幾人至乎大晉中朝及中興之後楊臻則七年不除喪三十餘年
不關人事溫公則見逼於王命庾左丞則終身不著袷高世遠則
爲王右軍何騎驃所勸割無有如滕之易者也若已綴麻非爲哀
之主無所復言矣文皇帝已東關之役尸骸不反者制其子弟不
廢婚宦明此孝子已不自同於人倫有識已審其可否矣若其不
爾居宗輔物者但當卽聖人之教何所復明制於其閒哉及至永
嘉大亂之後王敦復申東關之制於中興原此是爲國之大計非
爲訓範人倫盡於此也何已言之父讐明不同戴天日而爲國不
可許復讐此自己法奪情卽是東關永嘉之喻也何妨綜理王務
者布衣已處之明教者自謂世非橫流凡士君子之徒無不可仕

之理而雜呂情譏謂宜在貶裁耳若多引前事呂爲通證則孝子
可顧法而不復讐矣文皇帝無所立制於東關王敦無所明之於
中興每至斯會輒發之於宰物是心可不喻乎且夫求理當先呂
遠大若滄海橫流家國同其淪溺若不仕也則人有餘力人有餘
力則國可至乎亡家可至乎滅當斯時也匹婦猶亡其身況大丈夫
哉既其不然天下之才將無所理滕但當盡陟岵之哀擬不仕
者之心何爲證喻前人呂自通乎且名爲大才之所假而小才之
所榮榮與假乘常已有慙德無欣工進何有情事乎若其不然則
工進無欣何足貴於千載之上邪苟許小才榮其位則滕不當顧
常疑呂自居乎所謂柳下惠則可我則不可也且有生之所宗者
聖人聖人之爲教者禮法卽心而言則聖人之法不可改也而秦
呂郡縣治天下莫之能變漢文除肉刑莫之能復彼聖人之爲法
猶見改於後王況滕賴前人而當必通乎若人皆仕未知斯事可

俟後望與不況仕與不仕各有其人而不仕之所引每感三年之下見議者引通情紀每傷中庸又云若許讒勝則恐亡身致命之仕以此而不盡何斯言之過與夫忠烈之情初無計而後動若計而後動則懼法不盡命若有不盡則國有常法故古人軍敗於外而家誅於內苟忠發自內或懼法於外復有踟躕顧望之地邪若有功不賞有罪不誅可致斯喻耳無有名教翼其子弟而子弟不致力於所天不致力於所天則王經忠不能救主孝不顧其親是國家之罪人耳何所而稱乎夫恩宥十世非不隆也功高賞厚非不報也若國憲無負於滕恬則羨之通塞自是名教之所及豈是勸沮之本乎議者又曰唐虞邈矣孰知所歸尋言求意將所負者多乎後漢亂而不亡前史猶謂數公之力魏國將建苟令君正色異議董昭不得枕蘇則之郝賈充受辱於庾純曰此而推天下之正義終自傳而不沒何爲發斯歎哉若曰時非上皇便不足復言

多者則夷齊於夷望子房於四人亦無所復措其言矣至於陳平
默順避禍曰權濟屈皆是衛生免害非爲榮也滕今生無所衛鞭
塞已冥義安在乎昔陳壽在喪使婢九藥見責鄉閭阮咸居哀騎
驢偷婢身處王朝豈可曰阮獲通於前世便可疑於後乎且賢聖
抑引皆是究其始終定其才行故雖事有驚俗而理必獲申郗詵
葬母後園而身登宦所曰免責曰其孝也曰碑殺兒無譏曰其忠
也今豈可曰二事是忠孝之所爲便可許殺兒葬母後園乎不可
明矣既其不可便當究定滕之才行無所多辨也滕非下官鄉親
又不周旋才能非所能悉若曰滕謀能安敵才能周用此自追蹤
古人非議所及若是士流故謂宜如子夏受曾參之詞可謂善矣
而子夏無不孝之稱也意之所懷都盡於此自非名理何緣多其
往復如其折中裁之居宗宋書鄭鮮之傳爲桓偉輔國主簿先是
不反恬子羨仕宦不廢議者嫌之
桓玄在荊州使羣僚博議鮮之議

大六百一十九
小五十九